

THE UNIVERSITY OF CHICAGO
LIBRARY

ԱԶԳԱՅՆՈՒԹԻՒՆ

ԵՒ ՆՈՐԱ ՊՐԻՆՑԻՊՆԵՐ

ՀԱՅՈՒԱԾՔ ՀԱՅՈՒԹԵԱՆ

ԻՔԻՆԻ ԿՈՄԼԵՆՏԱՐԻԱՆ ԱԶԳԻ ՂԻՍԵ

Հ. Ա. ԱՐԱՔԵԼԵԱՆՑ.

Թ Ի Ֆ Լ Կ Ս

ՏՊԱՐԱՆ ԻՐԱԿԱՆ ԳՐԱԲԱՆԱԿԱԿՈՒՄ ԵՒ ԳՐԱԿԱՆԱԿԱԿՈՒՄ

1883

THE UNIVERSITY OF CHICAGO

PHYSICS DEPARTMENT

PHYSICS 351

LECTURE 1

LECTURE 1

1951

ԱԶԳԱՅՆՈՒԹԻՒՆ

ԵՒ ՆՈՐԱ ՊՐԻՆՑԻՊՆԵՐ 6
902.7 (47.925)


Լրաց. ՀԱՅՈՒԱԾՔ ՀԱՅՈՒԹԵԱՆ
281.6

ԻՔՐԵՒ ԿՈՒՆՏՈՒՐԱԿԱՆ ԱԶԳԱՅՆ ՎՐԱՑ

A 3962

Հ. Ա. ԱՌԱՔԵԼԵԱՆՑ.


Հայ ազգը իբրև կուլտուրա—պատմական տիպ—ժամանակակից հայ գրականութիւնը եւ մամուլը.— Հայկական եկեղեցին.— Նորա դերը հայկական ազգայնութեան մէջ.— Ազգային անկախ եկեղեցու գաղափարը.— Որոնք են լինելու հայ ազգի զարգացման պայմանները:



Թ Ի Ֆ Լ Ի Ս

ՏԳԱՐԱՆ ՄՈՎՍ. ՎԱՐԻՔՆԵԱՆԻ ԵՒ ԸՆԿ.

1883



4456


Дозволено цензурою С.-Петербургъ, 21 Окт. 1882 года.

Типографія М. Варганыца и К^о, на Троиц. пер д. № 11.

0 1 1 6 1 9

1882

Գրքի Հայերեն լեզուի վերաբերյալ



ՅՕՈՍՏԱՐԱՆ

«Իւրաքանչիւր ազգ, այսինքն այնպիսի ան-
«հատների մի ամբողջութիւն, որոնք կա-
«պուած են միմեանց հետ ծագման, լեզուի,
«քաղաքակրթութեան և պատմական անցեալի
«միութեամբ, իրաւունք ունի մի առանձին,
«ինքնուրոյն մարմին կազմելու»:

Градовскии, *Национал. Востокъ съ уст. и съ
умер. С. II. 1883. см. 10*

Դեռ մի քանի տարի է, գլխաւորապէս վեր-
ջին ռուս-տաճկական պատերազմից յետոյ, երբ
մեր մէջ սկսեց երեւալ ազգային ինքնաճանաչու-
թեան գաղափարը: Մինչ այդ ժամանակ հետե-
ւելով օտար, մեզ վրայ իշխող ազգերի օրինակին,
մենք մեզ կարծում էինք իբրև մի կրօնական
համայնք, քանի որ մեզ այդպէս էին ճանա-
չում և դեռ ճանաչել շարունակում են: Ստար-
ները մեզ չէին կարող ընդունել իբրև ազգայ-
նութիւն, այսինքն իբրև մի ազգ, որ իրաւունք
ունի ինքնուրոյն, անկախ գոյութիւն ունե-
նալու, որովհետև ընդհանուր մարդկութիւնը
բաղկացնող շղթայի մէջ մի քաղաքակրթական

օղակ է կազմում, քանի որ մենք ինքներս մեզ վրայ այդ զաղափարը չունէինք, քանի որ մեր մէջ չը կար ազգայնական ինքնաճանաչութիւն:

«Ազգայնութիւնը (НАРОДНОСТЬ) է—չէ—
«բազմ» (քաղաքակրթական) միտք է, այսինքն
«նա ենթադրում է մի որոշ ընդհանուր պատ-
«մական զարգացում, որի մէջ արտայայտուել
«են ցեղի, ազգի հոգեկան բնութեան բոլոր
«առանձնայատկութիւնները, բացի դորանից
«ազգային ինքնաճանաչութեան մի զգալի աս-
«տիճանն է լայտնուել, այսինքն իւր հաւա-
«քական «ես»-ի գիտակցութիւնը:»

Град. ibid. cm. 21.

Այժմ երբ այդ ինքնաճանաչութիւնը մեր մէջ զարթում է, երբ օտարները անգամ սկսել են փոքր առ փոքր նկատել մեզ իբրև մի ցեղ, մի ժողովուրդ, որ ըստ իւր ընդաբոյս յատկու-
թեանց, կարող է «ազգայնութիւն» կազմել, ըմ-
բռնելով այս խօսքը քաղաքակրթական մտքով,
արդեօք հայ ժողովրդեան լուսաւոր դասը, ին-
տելլիգէնցիան ձգտում է այդ ինքնաճանաչու-
թիւնը ժողովրդի մէջ ևս զարթեցնել, նորան ևս
հասկացնել թէ նա կարող է ազգայնութիւն
կազմել, որովհետև մինչև որ այդ ինքնաճա-
նաչութիւնը ամբողջ, ընդհանուր ժողովուրդը
չունենայ, ազգայնութեան գաղափարն ևս տե-

դի չէ կարող ունենալ:—Մեր մամուլը կարծես կամեցել է այդ դերը իր վրայ առնել. դորան ապացոյց այն երկար բանակաւոր որ մի ամբողջ տարի պարբերական մամուլը շարունակում էր, այն տաք վիճարանութիւնը որ նա անում էր «կրօնի դէպի ազգայնութիւնը ունեցած յարաբերութեան մասին»: Երկու Հակառակ օւղղութեան մամուլը — Մեղու և Մշակ — ամբողջ ընթերցող հասարակութիւնն ևս երկու Հակառակ բանակի էր բաժանել: «Մշակ» չէր ընդունում կրօնը իբրև ազգայնութեան տարբերքից մինը, իբրև ազգայնութեան հիմն, այլ ասում էր ազգայնութեան հիմն «ճագումի և լեզուի միութիւնն է», իսկ «Մեղու» հիմնուելով հայկական եկեղեցու ազգային կեանքի վրայ ունեցած ազդեցութեան և նշանակութեան վրայ, պնդում էր թէ հայ ազգի գոյութեան յատկանիշը կրօնն է, եկեղեցին է: Դժուար չէ հասկանալ թէ այդ վիճարանութիւնը ինչ գործնական փնտաւար հետևանք ունեցաւ: Որովհետև մեր լրագրութեան ընթերցողները ըստ մեծի մասին միջակ դասն են կազմում, այսինքն ստորին և միջնակարգ ուսում ունեցող գասակարգը, մանաւանդ գաւառներում, ուստի «Մշակի» վարդապետութեան հետևող բանակը, հերքելով կրօնի կարևորու-

Թիւնը ազգայնութեան խնդրի մէջ, իրեն ազատամիտ էր կարծում և հակառակ բանակը Ֆանատիկոս և լետադէմ, այլ հաւատալով «Մշակի» խօսքերին՝ թէ ազգ կազմողը «ծագումի և լեզուի միութիւնն» է, կարծում էր թէ որովհետև բոլոր հայերը ծագումով և լեզուով մի են, ուստի նոցա գոյութիւնը իբրև «ազգայնութիւն» ապահովուած է: Այդ տեսակ մտածող ընթերցողները, որոնք, ինչպէս ասացի, իբրև հասարակ ուսման տէր, ծանօթ չեն ընդհանուր մարդկութեան զարգացման և լուսաւորութեան կանոնաւոր ընթացքի և օրէնքների հետ, հարկաւ, չէին կարող իմանալ որ դեռ «ծագման և լեզուի միութիւնը» իրաւունք չէ տալիս «ազգութիւն» կազմել:

Եթէ իրաւական ազգայնութեան և «լեզուի միութիւնի» բացի ուրիշ ընդհանուր բան չունենար, նա իրաւունք չունէր այդ «ազգութիւն անունը» կրելու: Բայց նա ունի «դարևոր պատմութիւն, նա ունի Գանսէ, Վահիաժէլի, Ռաֆայէլ, Միքէլ — Անջէլօ, Գալիլէյ, Տօրիչէլի և այլն: Յեղական և լեզուի «առանձնայատկութիւնները միայն ազգութեան «սաղմն և կարելիութիւնն» են ցոյց տալիս: Այդ առանձնայատկութիւնների ոյժը և մնացականութիւնը փորձովում են պատմութեան

«միջոցով, որի ընթացքում յայտնվում է, ե-
«րևան է գալիս արդեօք ցեղը ընդունակ է
«ստեղծագործութեան և ինքնուրոյն լուսաւո-
«րութեան, հետևաբար ազգութիւն կազմե-
«լուն»:

Իրած. ibid. cm. 21.

Եւ ճշմարիտ, եթէ միայն «ծագման և լե-
զուի միութիւնը» ընդունէինք ազգայնութեան
հիմն, այն ժամանակ ինչու չը պէտք է ենթա-
դրէինք, որ կալմիկ, պապուաս, թունզուս ցե-
ղերն ևս կարող են կազմել ազգութիւն: Մարդ-
կանց մի ամբողջ խումբ կարող է միացած լի-
նել լեզուի, կրօնի, հողի ընդհանրութեամբ,
բայց դեռ ազգութիւն չը կազմել: Այստեղ
խօսքը նախնական կամ բնական ազգութիւն-
ների մասին չէ, այլ ուրիշ ազգութիւն-
ների մասին: Բնական ազգութիւն ասելով
հասկանում ենք անհատների մի այնպիսի
խումբ, որոնք միացած են նախնական պատ-
մութիւնից անկախ նշաններով և պայմաննե-
րով, մինչդեռ պետական ազգութիւնը կազ-
մվում է պատմական զարգացման ընդհանուր
ներգործութեամբ: Բացի դորանից կուլտուրա-
կան կամ պետական ազգութիւնը կարող է
սկզբում կազմուել մի քանի բնական ազգու-
թիւններից: Այդ բնական ազգութիւնները,

կամ աւելի՛ ուղիղ՝ ցեղերը՝ միանալով, ձուլվում են և մի ազգայնութիւն կազմում: Դա ազգայնութեան դարգացման առաջնական շրջաններից, Ֆազիսներից մինն է: Այդ Ֆազիսը արդէն վաղուց անցել է հայկական ազգութիւնը: Յիշենք այն ցեղերը, լեռնական, ճենական, ալանական և այլն, որոնք փախչելով կամ պատսպարուելով Հայաստան, վերջի վերջոյ ձուլուեցան, զանգուեցան բնիկների հետ և այդ ձուլմանից, զանգուածից յառաջ եկաւ մի նոր ազգ, հայ ազգը:

Մենք այստեղ, զանազան տարաձայնութեանց առաջը առնելու համար, հարկաւոր ենք համարում բացատրել, որ ժամանակակից գիտութիւնը և պատմութեան փիլիսոփայութիւնը ընդունում է և ամենեին հակառակ չէ զանազան ցեղերի ի մի ձուլուելուն (assimilation) եթէ այդ ցեղերից ասպագայում կազմուի մի ազգութիւն ընդհանուր լեզուով, բարքի և ուրիշ կուլտուրական նշանների միութիւնով:

«Բայց գիտութիւնը, նոյն իսկ ազգայնութեան պրինցիպը հակառակ է այն ձգտման, որ ցանկանում է մեքենայէս, բռնի կերպով թի մի տէրութիւն ձուլել այն ազգութիւնները, որոնք արդէն ձևակերպուած են և որոն-

«ցից ոչ մի կերպով չէ կարելի նոր ազգութիւն
«կազմել»»

Իրած. ibid. էջ. 22

Օրինակ, ի հարկէ, չէ կարելի ուուս և վրացի ազգերը միացնելով, ի մի ազգ ձուլել, թէև դոքա մինչև անգամ համակրօն լինէին, որովհետև այդ ազգերից իւրաքանչիւրը ունի իր պատմական անցեալը, իր առանձին բարքը, վարքը, իր առանձին կուլտուրան:

Իլիսաւոր գիտնականը և փիլիսոփայութեան մէջ «ազգայնական շարժում» անունով ուղղութեան յայտնի ներկայացուցիչը համարվում է գերմանացի փիլիսոփայ Ֆրիտտէ անգրանիկը, որն առաջինն եղաւ ազգայնական կեանքի արմատական պայմանները յայտնողը և բացատրողը: Ուստի մեր յարուցած խնդիրը աւելի պարզ կացուցանելու համար, յառաջ բերենք Ֆրիտտէի վարդապետութիւնը ազգայնութեան գաղափարի մասին և այդ նպատակով դիմենք դարձեալ պրօֆէսօր Իրազովսկու օգնութեան:

«Փիլիսոփայութեան աչքում ազգութիւնը մի կենդանի, հաւաքական անձնաւորութիւն է, որ զանազանվում է ուրիշներից իր բնաւորութեան, իր մտաւոր և բարոյական ընդունակութեանց առանձին յատկանիշներով և այդ պատճառով հենց նա իրաւունք ունի անկախ

գոյութեան և զարգացման բարիքը վայելելու: Ազգայնական առանձնայատկութեանց այդ զանազանութիւնը ընդհանուր մարդկային լուսաւորութեան կանոնաւոր ընթացքի հիմնական պայմանն է կազմում: Իւրաքանչիւր ազգ, որքան որ մեծ լինեն նորա ընդունակութիւնները և որքան ճոխ լինեն նորա նիւթական միջոցները, կարող է ընդհանրապէս մարդկային կեանքի կողմերից միայն մինը իրագործել, լրացնել:

Զրկել մարդկութիւնը իր բազմատեսակ օրգաններից, կը նշանակէ միջոց չը տալ նորան յայտնելու ընդհանրական պատմութեան մէջ մարդկային հոգու բովանդակութեան բոլոր հարստութիւնը: «Նտրեալ» և «կոչեցեալ» ազգութիւնները գիտութիւնը չէ ընդունում: Ի հարկէ գիտութիւնը և չէ հերքում համամարդկային լուսաւորութեան գաղափարը, այն մտքով, որ իւրաքանչիւր ազգութեան մտաւոր, բարոյական և տնտեսական կեանքի կարեւոր արգասիքները բոլոր միւս ազգութիւնների ժառանգութիւն են դառնում: Բայց պատմութեան փիլիսոփայութիւնը անհերքելի փաստերով ապացուցանում է, որ իւրաքանչիւր արգասիք ձեռք է բերուել և կարող է ձեռք բերուել միայն ազգայնական պատմութեան

Հողի վրայ, որ Ֆիդիոյ արձանը և Պղատոնի փիլիսոփայութիւնը յունական ծնունդ էին, հռոմէական իրաւունքը հռոմէական պատմութեան արդիւնքն է, անգղիական սահմանադրութիւնը այդ ազգի ժառանգութիւնն է. սակայն այդ բոլորը արգելք չէ, որ նոքա ընդհանուր մարդկային նշանակութիւն ստանան, արուեստների, փիլիսոփայութեան և քաղաքականութեան վրայ ներգործեն, մարմնացնեն իրենց մէջ մարդու հոգևոր բնութեան այս կամ այն կողմը, դորա զարգացման մի որոշ շրջանում:

Պատմութեան փիլիսոփայութիւնը կեանքի հրաւէր է կարգում բոլոր ազգութիւնները, հրաւէր դէպի գործունէութիւն, որ հեռու մնայ թէ կոյր նմանողութիւնից և թէ սահմանափակուելուց և օտարանալուց: Նա կանչում է իւրաքանչիւր ցեղ տալու մարդկութեան այն, ինչ որ իւր հոգևոր—բարոյական բնութեան մէջ ծածկուած է: Ազգային «Գեղձ-գեղձ»-ի—ը—ահա ինչ որ գիտութիւնը, իբրև վերջնական նպատակ ցոյց է տալիս իւրաքանչիւր ցեղին—մի նպատակ, առանց որի իրագործուել չէ կարող մարդկային սեռի կատարելութիւնը: Սպանել ազգի ստեղծագործական ոյժը—կը նշանակէ անհատի մէջ սպա-

նել ընդունակութիւնը: Միւս կողմից բոլոր ցեղերը հպատակեցնել «կոչեցեալ» ազգութեան ամենափրկիչ լուսաւորութեան, այդ այնքան կորստաբեր ազգեցութիւն կունենայ միջազգային կեանքի վրայ, որքան ունենում է երկրի ներքին կեանքի վրայ վարչական կենտրոնացումը, որ իրեն ամենափրկիչ է կարծում:

Հասկանալի է ուրեմն, թէ ազգայնութեան փիլիսոփայութիւնը որտեղ է որոնում իր պրինցիպի իրազորման պայմանները: Ազգայնական նպատակը չէ կարող իրազործուել մի ազգի միւսերի վրայ արտաքին կերպով, Ֆիզիքապէս տիրանալովը: Եթէ մի ազգութիւն ամբողջ տիեզերքն ևս նուաճէ, դարձեալ նա մի բառանգամ չի աւելացնի լուսաւորութեան ընդհանուր ժառանգութեան վրայ: Ինքնաշխատութեամբ, իր առանձնայատկութիւնների և ընդունակութիւնների զարգացնելովը, գիտակցական, հոգևոր կեանքի մէջ դաստիարակուելովը—ահա միայն այդ ճանապարհով ազգը կարող է հաստատուն տեղ բռնել լուսաւորութեան պատմութեան մէջ: Այդ կերպով խնդիրը +աղ+ալ+ան կերպարանքից ստանում է կոլտուրալ+ան, հասարակ+ան կերպարանք: Յետոյ ազգերի կեանքի մէջ արտաքին և ներքին ազատութիւնը նոյնքան ստեղծազործութեան

կարեւոր պայմանն է, որքան անհատի կեանքի մէջ: Եթէ մի ազգ ներքին կերպով ազատ չէ, այսինքն եթէ նա աչքի առաջ ունենալով բարձր լուսաւորութիւնը և քաղաքակրթութիւնը (եւրոպական), ինքն իրեն գերի է շինում այդ լուսաւորութեան և ամեն ինքնուրոյն կեանքից զրկում է իրեն, կրաւոր օրինակողի դերը միայն կատարելով նա մեռցնում է որևիցէ ստեղծագործութիւն իր մէջ: Արքան որ հանձարեղ լինի թարգմանիչը, օրինակողը, բայց ոչ մի անաչառ հասարակական կարծիք բարձր չի դասի նորան հեղինակից: Աւստի արդեօք իւրաքանչիւր հայրենասէրի պարտքը չէ հոգալու, որ իր սեպհական հայրենիքը օտարի կարծեաց սոսկ թարգմանը և օրինակողը չը հանդիսանայ: Օտարի կարծիքները և զազաժարները — լաւ դաստիարակական միջոց են, բայց նոքա չը պէտք է սպանեն ուսումնասիրողի ստեղծագործական ոյժը, հոգևոր ինքնուրոյնութիւնը:

«Լեր առնել ուրիշներից ինչ որ կարելի է, ազատ փոխանակութեան հիման վրայ, պահպանելով իր լիակատար ինքնուրոյնութիւնը — ահա ազգային գոյութեան պայմանը»:

Երած. ibid. 145-148. էջ.

Մենք դիմամամբ լառաջ բերինք Փիխտէի

վարդապետութեան հիմնական սկզբունքները, որովհետև դրանով մենք պարզում ենք հայ հասարակութեան առաջ այն հայեցումաժողովը, տեսակէտը, որ մենք իբրև հիմն պիտի ընդունենք մեր ամբողջ աշխատութեան մէջ:

Այս ասելուց լետոյ, դառնանք մեր նպատակին, այն է «Մեղուի» և «Մշակի» քարոզած մտքերի բացատրութեան, այդ մտքերի վրայ ազգայնական տեսակէտից նայելով: Ընթերցողը տեսաւ որ «Մշակի» միտքը թէ «ազգութիւնը» կախում է «ճապումի և լեզուի միութիւնից» սխալ է, սխալ է, որովհետև դա շատ միակողմանի հայեցումաժողով է, նոյնպէս նրա երկրորդ միտքը, այն է կրօնին և հետևաբար ազգային եկեղեցուն ոչ մի նշանակութիւն չը տալը ազգայնութեան հարցի լուծման մէջ, թէ պատմութեան փիլիսոփայութեան, թէ գիտնական տեսակէտից ուղիղ չէ, ուղիղ չէ գլխաւորապէս այն պատճառով, որ ազգայնութեան գաղափարը կարող է իրագործուել միայն այն ժամանակ, երբ ցեղը, ազգը կապում է քաղաքակրթութեան և պատմական անցեալի միութեամբ, որ ազգայնութեան գաղափարը ենթադրում է մի այնպիսի որոշ, ընդհանուր պատմական զարգացում, որի մէջ արտափայլուի ազգի հոգեկան կազմը և

ազգային ինքնաճանաչութիւն, ինքնուրոյնութիւն — ստեղծագործական ոյժ:

Եւ որովհետեւ հայկական — ազգային եկեղեցին հայ ազգի պատմութեան մէջ մի փառաւոր տեղ է բռնում, ցոյց է տալիս հայ ազգի հոգեկան զարգացման մի որոշ կողմը, յայտնվում է իբրև մի այնպիսի հաստատութիւն, որի մէջ աւելի քան ուրիշ տեղ արտափայլուել է ազգային ինքնաճանաչութիւնը, մի բան — կրկնում ենք — առանց որի ազգայնութեան զաղափարի իրագործումը շատ դժուար է, որովհետեւ այդ եկեղեցին մի որոշ պատմական զարգացում է ցոյց տալիս, տուել է այնպիսի անձինք, ինչպէս Սահակ, Մեսրոպք, Ներսէս Մեծն, Ներսէս Կլայեցի, Ներսէս Լամբրոնացի, Խորենացի, Եղիշէ, Փարպեցի, Յովհաննէս Կաթողիկոս, Դաւիթ անյաղթ և այլն, անձինք, որոց մէջ փայլում է ազգային հանճարը, ստեղծագործական ոյժը, ուստի չէ՛ որ հերքելով մի այդպիսի հաստատութեան ոյժը, մենք ինքներո զրկում ենք մեզ մի հաստատ իրաւունքից, որով կարելի է ապացուցանել թէ մենք ևս ունենք այն անհրաժեշտ պայմանները, որոնցով յառաջ է գալիս ազգութիւնը անկախ, ինքնուրոյն կեանքով:

Ինչպէս նկատում է ընթերցողը, մենք բո-

լորովին զանազանում ենք կրօնը ազգային եկեղեցու զաղափարից: Հէնց «Մշակի» և մանաւանդ «Մեղուի» գլխաւոր սխալը նորա մէջն է կայանում, որ նորա «կրօն» և «ազգային եկեղեցի» գաղափարները համանշան են շինել և այդ հանգամանքում բոլորովին մենք համակրում ենք «Մշակին» երբ նա, ընդհանուր մաքով առած, կրօնի ազատութիւն է քարոզում: Չենք կարծում որ «Մեղուն ևս ներքին համոզմամբ հակառակ լինի կրօնի ազատութեան գաղափարին, այլ եթէ տեղ տեղ նորա մէջ երևում է մոլեռանդութիւն, այդ յառաջ է գալիս չափազանցութիւնից: Կրկնում ենք ուրեմն, որ մենք գործ չունենք կրօնի հետ. դա խղճի ազատութեան գործ է, իսկ խղճմտանքի ազատութիւնը մարդկութեան ամենասուրբ և անեղծ իրաւունքներից միսն է: Ոչ մի երկնային իշխանութիւն չէ կարող մուտ գործել այդ վեհարանի մէջ և այն օրէնքը, որ կը փորձէ բռնաբարել նորան, մի անյաղթելի դիմադրութեան կը հանդիպէ: Ազատ իր հաւատոյ մէջ, մարդն ազատ է և յայտնելու նորան խօսքով, գրով՝ միայն թէ իր հաւատի դաւանութիւնով նա չը վիրաւորէ բարոյականութիւնը, որ լուսաւորեալ ազգերի հասարակաց օրէնքն է: Սակայն կրօնական զգացումը

ընաւ առանձին արտայայտական ցոյցերի մէջ
չէ կարանուծ:

Բայց ուրիշ բան է ազգային եկեղեցին, մա-
նաւանդ Հայերի վերաբերմամբ, որովհետեւ դա
մի այնպիսի հաստատութիւն է, որ ցոլացնում
է իր մէջ ազգի բազմադարեան կեանքը, այն
է նորա կրած դաւերը, տանջանքը, ուրախու-
թիւնը, մի խօսքով ազգի հոգեբանական, ու-
րեմն ամենակարեւոր կողմը, ազգի անցեալը,
պատկերը, պատմութիւնը, որի մէջ, վերջա-
պէս, ամենից շատ է սահմանուել ազգային
ինքնուրոյնութիւնը, անկախութիւնը: Ուրեմն
ով դուրս է գալիս այդ հաստատութեան սահ-
մանից, ով որ մերժում է նորան, կը նշանա-
կէ նա կտրում է իր բոլոր կապերը իր ազգի
հետ, իր անցեալի, իր պատմութեան հետ,
բայց մի մոռացէք այն մեծ և անփոփոխ տիե-
զերական պատմական օրէնքը, քանի որ աշ-
խարհս գոյութիւն ունի, քանի որ գետը վե-
րեւից գէսլ ի ներքև սլիտի հօսէ, Դերձայն
Ռշտ անցեալի հեռուանք է:

Այս մեր մտքերից հետևում է, որ մենք
բոլորովին ընդգէմ չենք, եթէ Հայերի մի մա-
սը կամենում է ուրիշ կերպ հասկանալ կրօնի
մի քանի դաւանական հարցերը, որ նա ըն-
դունում է կամ հերքում կրօնական այս ինչ

A 3963

4456
38



կամ այն ինչ վարդապետութիւնը, մի խօսքով մենք հակառակ չենք բողոքական կամ կաթօլիկ հայերին, եթէ նոքա հայկական եկեղեցու կրօնական մի քանի խնդիրների և մի քանի դաւանութեանց հետ համաձայն չեն, չեն ընդունում ծիսակատարութիւնը և այլն, այդ հանգամանքում նոքա կարող են բոլորովին «անջատուած», առանձին գաղափար ունենալ և մեր եկեղեցին բնաւ չի արգելի նորանց այդ բանը, որովհետեւ հայկական եկեղեցին բնաւ չէ ցոյց տուած խղճմտանքի վրայ բռնանալու ձգտում և այդ բանը նորա բնաւորութեան մէջ չը կայ. բայց որովհետեւ այդ կրօնական հայեցուածքների անջատումով, հերձուածով, լառաջ է գալիս և ազգային միութեան անջատում, հերձուած, որովհետեւ ազգի մի մասը դորանով խզում, կտրում է իր կապը իր պատմական անցեալի հետ, այն ժամանակ, ի հարկէ, անկարելի է չը բողոքել և չընդդիմանալ, նոյն իսկ գիտութեան անուշով: Ահա ինչ բանի մէջ կարելի է մեղադրել «Մշակին»:

Այժմ, այս բոլորից լետոյ, բացատրենք թէ ինչ նպատակով մենք ձեռնարկեցինք այս աշխատութիւնը: Մեր կարծիքով ամեն մի գրականական ընդհանուր երևոյթ պէտք է ունենայ իր արդարացուցիչ գոյութեան պատճառը

կամ իր *raison-d'être*: Եւ մենք ունենք այդ պատճառը:

Ի նկատի ունենալով հայ ազգի ներկայ վիճակը, այն պայմանները, որոնցով նա շըրջապատուած է, այն յոյսերը, որ նա տածում է իր ապագայ գոյութեան մասին, այն ձգտումը, որ նա ունի օրինակելու եւրոպական քաղաքակրթութիւնը, ի նկատի ունենալով այդ ազգի անցեալ պատմական կեանքը, միւս կողմից տեսնելով որ օտար ազգեր զանազան կարծիք են յայտնում հայերի մասին, ոմանք անուանելով նորանց *пронирливые, торгоши, эксплуататоры* (Венюковъ, «Русская Мысль» 1882 № 3) և չը գտնելով նորանց մէջ ոչ մի գեղեցիկ ձգտում, իդէալ, անընդունակ քաղաքակրթութեան, ոմանք ընդհակառակն գուշակում են այդ ազգին մի գեղեցիկ ապագայ, արժանի և ընդունակ համարելով կուլտուրայի մինչ անգամ բարձր աստիճանին, բարձր մտաւոր զարգացման, ուստի այդ տեսակ հակառակ կարծիքներ պատճառում են զանազան տարակուսանք և կասկած ոչ միայն օտարների, նոյն իսկ իրենց հայերի մէջ, որոնք ծանօթ չը լինելով հպակական պատմութեան՝ ազգի ապագայի և նորա կուլտուրական կոչման վրայ անտարբեր,

սկեսպտիկական աչքով են նայում, իսկ նոքա որոնք թէև հաւատում են ազգի գոյութեան և նորա ասպագային, բայց այդ ազգի բոլոր փրկութիւնը եւրոպական լուսաւորութիւնը կուրօրէն ընդ օրինակելուն մէջն են գտնում, այդ բոլորը ինկատի ունենալով մեր մէջ ծագեց միտք պատմական և գիտնական փաստերի օգնութեամբ հետազօտել, և եթէ կարելի է, ապացուցանել, արդեօք հայ ազգը կարելի է նկատել իբրև ազգայնութիւն, այսինքն իբրև այնպիսի անհատների մի ամբողջութիւն, մի կենդանի հաւաքական անձնաւորութիւն, որ ըստ իւր պատմական անցեալի, ըստ իւր առանձին բնաւորութեան, ըստ իւր կուլտուրական և բարոյական ընդունակութեանց՝ իրաւունք ունենայ ինքնուրոյն, անկախ մարմին կազմելու և ինքնուրոյնապէս զարգանալու, վերջապէս իբրև մի մարմին, որ զուրկ չէ ստեղծագործական ոյժից, ուրեմն որը կարող է մարդկութեան կեանքի կողմերից մինը լրացնել, իրագործել: Եթէ այդ խնդիրը լաջողուեց մեզ ապացուցանել, այն ժամանակ աւելի անխուով և պալծառ կերպով կը նայենք մեր ասպայի վրայ և մեր գոյութիւնը քաղաքակիրթ մարդկութեան մէջ աւելորդ չը համարելով, կը կենտրոնացնենք մեր ոյժերը որոնելու այն

բարեպատեհ պայմանները և խափանելու այն արգելաօրէթ խոչնդոտները, որոնց գոյութիւնը մեր ինքնուրոյն զարգացման, մեր մտաւոր և բարոյական վերածնելութեան համար անհրաժեշտ կամ վնասակար են: Այն ժամանակ այլ ևս չենք ձգտի, չենք նկրտի մեզ ստրուկ շինել եւրոպական լուսաւորութեան և նորա կոյր օրինակողը, թարգմանը լինել, մեր դպրոցական գործը չենք շինի օտար դպրոցների «*պրոբլեմ*», մեր գրականութիւնը չենք դարձնի օտարների պէտ և անպէտ կարծեաց ասպարէզ, տեղի և անտեղի թարգմանութեանց ընդունարան, չենք մտցնի նորա մէջ բուրժուազական ոգի, այլ քաջ հասկանալով եւրոպական լուսաւորութեան բարիքը, անհրաժեշտութիւնը, փոխ կառնենք նորանից ինչ որ մեր զարգացման համար պէտք է, ինչ որ կարող է ընդհանուր մարդկութեան ժառանգութիւն համարուել, պահպանելով սակայն մեր լիակատար ինքնուրոյնութիւնը, մեր հոգեւոր անկախութիւնը, ըմբռնելով բոլորը գիտակցօրէն, վերջապէս չը դառնալով օտարի կարծեաց սոսկ թարգմանիչը, այլ իւրացուցիչը. և այդ ճանապարհով միայն կարելի կը լինի մեզ հաստատուն տեղ բռնել լուսաւորութեան պատմութեան մէջ: Մեր ազգային դպրոցների վրայ կարող

ենք փորձել թէ ինչ է նշանակում կոյր ընդօրինակութիւնը: Մեր դպրոցները միայն նորանով են հայկական, ազգային, որ այդտեղ բոլոր առարկաները հայ լեզուով են դաս տալիս. բոլոր դասագրքերը թարգմանութիւն են կամ ռուսերէնից կամ գերմաներէնից, քիչ է մնացել որ ազգային պատմութեան դասագիրքն ևս օտարներից թարգմանեն. այդ դպրոցների մէջ չը կայ ինքնուրոյն, անկախ դաստիարակութիւն, որ համապատասխանէր հայ մանկական աշխարհի առանձնայատկութեանց, բնաւորութեան, որ զարթեցնէր նորա մէջ ազգային ստեղծագործական ոգին, մի խօսքով հայ դպրոցում կրթութիւնը ազգային հողի վրայ չէ դրած, կրթութիւնը ազգայնական չէ, այլ բնդհանուր և այս բառով պէտք է հասկանալ միայն զանազան առարկաների, տեղեկութիւնների ամբարումը աշակերտի մտքի մէջ: Եւ հետեանքը շատ զգալի է. մեր դպրոցները չեն տալիս մինչ անգամ լաւ հայագէտ, թող գործողներ, անկախ, ինքնուրոյն հոգևով գործողներ, մինչ անգամ չեն տալիս գոնէ զարգացած մարդիկ, որովհետև դպրոցը ինչ որ օրինակել է, օրինակել է առանց մարսելու, իւրացնելու և այդպէս ևս աւանդել է իր սաներին:

Ինչպէս տեսնում է ընթերցողը, ինչքի լուծումը շատ դժուար է և մեր անհատական ոյժերից շատ բարձր: Նախ և առաջ այդպիսի մի հետազօտութեան ամենագլխաւոր աղբիւրը պիտի լինի *Կաթմոս-Բիշնը*, կամ միայն *Կաթմոս-Բիշն* հետազօտութիւնը կարող է մեզ մեր նպատակին հասցնել: Այդ պատճառով մենք շատ կարեւոր ենք համարում խօսել թէ ինչ է ներկայացնում մեզ *հայկական Կաթմոս-Բիշնը*: Եթէ կամենաք ոչինչ չէ ներկայացնում նա մեզ: Եւ ահա ինչու:

Կարգալով բոլոր հայ պատմութիւնները, մենք հասնում ենք այն եզրակացութեան, որ մեր բոլոր պատմական անձինքը, հասարակական գործիչները, օրինակ Տիգրան, Վառամ-շապուհ, Մեսրոպ, Վաղարշակ Լալն, ազգի կեանքի մէջ մտնող գերբնական ոյժեր էին, այնպէս որ մի պատմական անձի գործունէութիւնը ամբողջ ազգի պատմական գործունէութեան շրջանից գուրս էր: Այդ գերբնական ոյժերը գործում էին ինքնակամ և ժողովուրդը դէպ ի նոցա բոլորովին կրաւորական գեր էր խաղում: Վերջապէս ամեն տեղ երևում է ածութիւն, գերբնական ոյժ, ամեն տեղ ժողովրդի պատմութիւնը անհետանում է և ազգի պատմութիւնը, մի և նոյն է թէ Վաղարշակի,

Մեսրոպի պատմութիւնն է. առանց դոցա ազգը գոյութիւն չունի, միայն դոքա անգոյութիւնից գէպ 'ի գոյութիւն բերին: Բոլորը պատահական երևոյթ է. օրինակ եթէ քրիստոնէութիւնը մուտ գործեց Հայաստան, դա այն պատճառով էր, որ մի անհատ, մի թագաւոր Աբգար կամեցաւ ընդունել այդ կրօնը, այլ այդ պատմական երևոյթը չէ բացատրուած նորանով, որ հեթանոսութիւնը արդէն սկսել էր լուծուել և կեանքը վերանորոգութիւն էր պահանջում: Աերջապէս մինչ այժմ եղած մեր բոլոր պատմութիւնների մէջ տիրում է հակապատմական հայեցուածք: Մեր բոլոր պատմագիրները չեն գրում ազգի, այլ զանազան դիւցազների, թագաւորների, քաջերի պատմութիւնը: Ազգի պատմութիւնը այդտեղ չէ զարգանում լայտնի օրէնքներով, առանձին, որոշ պայմանների ազդեցութեան ներքոյ, որոնք մի ազգի կեանքը ուրիշի կեանքից որոշում են:

Ինչ ասել կուզէ, որ այժմ, երբ գիտութիւնը այնքան առաջ է գնացել, երբ ազգերի պատմական կեանքի ճիշտ հետազոտութիւնքը ապացուցանում են, որ գերբնական երևոյթները տեղի չունեն այդ կեանքի մէջ, երբ համոզուել են, որ իւրաքանչիւր պատմական

երևոյթ, որքան մեծ լինի, որքան, ըստ երեւոյթին, փոխելու լինի ժողովրդի դրութիւնը, այդու ամենայնիւ ժողովրդական կեանքի նախագոյն զարգացման կարևոր հետևանքն է, ի հարկէ պատմութեան վրայ այդ տեսակ հայեցուածքը վաղուց փոխուել է եւրոպական գրականութեան մէջ և յառաջ է եկել նոր, գիտնական հայեցուածք, նոր դպրոց: Համեմատ այդ նոր դպրոցի ուսման, վարդապետութեան՝ նախ և առաջ պատմութիւնը պէտք է լինի ազգի, ժողովրդի կեանքի պատմութիւնը, որ իր աճման և զարգացման մէջ ենթարկվում է յայտնի, որոշ օրէնքների և հիմնուած չէ պատահական երևոյթների վրայ: Համեմատ այդ ուսման, պատմութեան մէջ երևում են և կարող են երևալ մեծ մարդեր, հերոսներ, որոնք տալիս են իրենց աշխատանքը, բայց այդ աշխատանքի մեծութիւնը, յաջողութիւնը կախուած է ժողովրդի դրամագլխից, նորանից թէ ինչ է կուտակել ժողովուրդը իր նախընթաց կեանքից և նախընթաց աշխատանքից: Երբ այդ ժողովրդական դրամագլխի հետ միանում է անուանի գործիչների ընդունակութիւնը և աշխատանքը, այն ժամանակ յառաջ է գալիս ժողովրդական պատմական կեանքի հզօր արտադրութիւնը: Եթէ յայտնվում

են մեծ մարդիկ, յայտնվում են հանճարներ, դոքա ոչ թէ պատահական և ազգի կեանքի հետ կապ չունեցող երևոյթներ են, ոչ. այլ դոքա ցոյց են տալիս որ ազգը ընդունակ է արտադրելու նորանց և այդ մեծ մարդիկ, այդ հանճարները միմիայն ազգի կառուցած հոյակապ արձաններն են: Միայն մեծ ազգը կարող է մեծ մարդ ունենալ. ճանաչելով մեծ մարդի գործունէութեան նշանակութիւնը, մենք դորանով ճանաչում ենք ազգի նշանակութիւնը:

Մի խօսքով նոր դպրոցը ուսուցանում է ազգերի զարգացումը, մտաւոր և բարոյական ոյթերի, հասկացողութիւնների յաջորդական փոփոխութիւնը, ժողովրդի յաջորդական հասակը, աճելը, ցեղական դրութիւնից հետըզհետէ ազգութեան, տէրութեան փոփոխուելը: Այդտեղ 'ի հարկէ, կարելի է վիճել այս կամ այն ձևի մասին, որով անցել է ժողովրդի կեանքը, կարելի է հերքել այս կամ այն երևույթի նշանակութիւնը, բայց չէ կարելի հերքել, որ պատմութիւնը ժողովրդի զարգացման նկարագրութիւնն է, որ «պատմութիւնը ժողովրդական ինքնաճանաչումն է»:

Եւ արդ եթէ մենք ունենայինք այդ ուղղութեամբ, այդ նոր դպրոցի ուսման համեմատ

գրած պատմութիւն, մեր խնդիրը շատ կը հեշտանար: Մենք կը տեսնէինք այն ժամանակ, որ եթէ հայ ազգի մէջ երևացել են մեծ մարդիկ, ուրեմն այդ ազգը ընդունակ է եղել արտադրելու նորանց և նոքա ազգի մեծութեան արձաններն են. այն ժամանակ հեշտութեամբ կը պարզուէր, կը լուծուէր մեր հարցը. «արդեօք հայ ազգը իբրև անկախ, ինքնուրոյն, կոչուող քական ոյժ, կարող է գոյութիւն ունենալ»: — Բայց... դժբաղդաբար, այդպիսի պատմութիւն չունենք:

Ձը վհատելով սակայն աշխատանքի մեծութեան առաջ, մենք ձեռնարկեցինք գործին և 1880 թուին մի ամբողջ ամիս և կէս պարապելով Պ. Բուրգի կայսերական Հասարակաց գրատան մէջ, այնուհետև երկու տարի դարձեալ երբեմն երբեմն զբաղուելով այդ հարցով, մօտ 150 աղբիւր քրքրելով, մենք եկանք այն եզրակացութեան, որ պէտք է աշխատանքը բաժանել: Այդպէս և արինք, և մեզ կօգնեն մեր ընկերներից մի քանիսը: Իսկ առ այժմ հրատարակելով այդ աշխատութեան յառաջաբանը և ներածութիւնը իբրև մի ամփոփ երկասիրութիւն, հարկաւոր ենք համարում յայտնել, որ համեմատ ներածութեան մէջ ընդունած յատակագծին, ամբողջ աշխա-

տութիւնը, բացի յառաջաբանից և ներածութիւնից, բաժանուելու է հետեւեալ երեք մասերի:

Ա. — ՀՈՂ: — Հին Հայաստանի կլիման, հողը, արտագրութիւնը, աշխարհագրական դրութիւնը, տնտեսական վիճակը. զանազան դասակարգերի գոյութիւնը, ծագումը, նոցա առ միմեանս ունեցած յարաբերութիւնը: Գաղթականութիւնը, և այլն:

Բ. — ԼԵԶՈՒ: Լեզուի ծագումը ընդհանրապէս, նորա աճման օրէնքները: Գրութեան սլատմութիւնը: Գրականութիւնը ընդհանրապէս: Հայկական լեզուն, գրութիւնը և գրականութիւնը թէ հին, թէ նոր: Գիտութիւնը հայերի մէջ: Ազգային ստեղծագործական ուժը: Ժամանակակից հայ գրականութիւնը և մամուլը: — Մեր գրողները և նոցա ուղղութիւնը: Զանազան գրականական ուղղութիւններ և այլն և այլն: Գպրոց: Ազ-

դային դպրոցը 'ի հնումն և 'ի նորումս:


Գ.— ԿԲՕՆ: Կրօնի մասին ընդհանրապէս:
Նորա դերը: Ազգային եկեղեցի,
նորա պատմութիւնը, ինքնու-
րոյն, անկախ կեանքի նշանա-
կութիւնը:—Վերանորոգութեան
զաղափարը:

Յոյս ունենք, որ մեր աշխատութիւնը չը
պիտի նկատուի, իբրև մի աւելորդ կերակուր
հայ գրականութեան վտիտ տրապեզի վրայ:

Հ. Ա. ԱՌԱՔԵԼԵԱՆՆՑ.

1 Հոկտ. 1882 թւին

Ս. Պ. ԲՈՒՐԳ.



The first part of the paper is devoted to a general
 consideration of the subject, and to a statement of the
 objects which it has in view. It is then divided into
 three parts, the first of which is devoted to a
 description of the objects, the second to a
 description of the means, and the third to a
 description of the results. The first part is
 divided into two sections, the first of which
 is devoted to a description of the objects, and
 the second to a description of the means. The
 second part is divided into two sections, the
 first of which is devoted to a description of
 the means, and the second to a description of
 the results. The third part is divided into
 two sections, the first of which is devoted to
 a description of the results, and the second to
 a description of the means. The first part
 is divided into two sections, the first of which
 is devoted to a description of the objects, and
 the second to a description of the means. The
 second part is divided into two sections, the
 first of which is devoted to a description of
 the means, and the second to a description of
 the results. The third part is divided into
 two sections, the first of which is devoted to
 a description of the results, and the second to
 a description of the means.

Ն Ե Ր Ա Տ Ո Ւ Թ Ի Ի Ն

Մարդկութեան պատմական կեանքի ընթացքում, մարդկային միտքը և կեանքը բիւրաւոր խնդիրներ են ծնուցել, որոնք կամ արդէն վճռուած, լուծուած են, կամ մոռացուած կամ դեռ մինչ այսօր պատասխանի և լուծման են սպասում: Իւրաքանչիւր պատմական շրջան ունեցած է իր առանձին, իրեն յատկանիշ խնդիրներ, որոնք մի առանձին տիպ են ընծայած այդ շրջանին, յուզած են մտքերը, պատճառ են եղած բազմաթիւ լեզափոխութեանց, խռովութեանց, կերպարանափոխած են հասարակական կազմուածքը, նորանոր ձգտումներ են յառաջացրած, արիւնահեղ պատերազմների պատճառ են դարձած: Հին պատմութեան—յունական և հռովմէական աշխարհների— յատկանիշ բնաւորութիւնն էր սէր, ձգտում դէպի գեղարուեստական խնդիրները: Միջին դարերը ներկայացնում են մեզ մի այն-

պիսի պատմական շրջան, երբ հետամուտ էին ամեն բան դաւանականացնելու և ամեն բանի մէջ հայեցողական փիլիսոփայութիւն մտցնելու: Գաւանական հարցերը ոչ թէ միայն կրօնական նեղ շրջանի, այլ և հասարակական և ընկերական կեանքի մէջ առաջնակարգ դեր էին խաղում: Միջին դարերի կրօնական շարժումը թափանցում էր հասարակական կեանքի մինչ անգամ ամենածածուկ խորշերի մէջ. նա ամեն գործունէութեան, թէ մտաւոր, թէ բարոյական և թէ քաղաքական՝ գլխաւոր լծակն էր: Բայց անցան միջին դարերը, անցաւ և կրօնական տիրապետութիւնը և դաւանական ձգտումները, կրօնական համոզումները տեղիք տուին ուրիշ ձգտումների և համոզմանց, լառաջ եկաւ մի նոր շարժում, որ նորագոյն լուսաւորութեան հիմն դրեց: Մարդկային միտքը ազատուելով միջնադարեան կրօնա—դաւանական ճնշումից, իր բոլոր ուժը բնութիւնը ուսումնասիրելուն և իրականութիւնը հետազօտելուն վրայ դրաւ: Այդտեղ նա գտաւ կենսատու աղբիւր, որով կարող էր իր ուժը նորոգել, թարմացնել. այդ աղբիւրը պէտք է ամեն տեղ նոր կեանք, նոր զօրութիւն սփռէր: Եւ այնուհետեւ բնութեան ուսումնասիրութիւնը ամեն իմացողութեան

միակ բէալական հիմն դարձաւ: Նա ծնեց և մշակեց այնպիսի էական գիտութիւններ, որոնք ժամանակակից մարդկութեան գոռոզութիւնն և փառքն են կազմում, և որոնք նպատեցին նորա անտեսական և մտաւոր բարգաւաճման: Ինչ չափով, ինչ աստիճանով որ արտաքին աշխարհը — բնութիւնը — ուսումնասիրութեան և քննութեան նիւթ դարձաւ, համաչափ և դուցէ աւելի սեժեղ կերպով անցեալ դարի վերջերից սկսած գիտութեան հետազօտութեան նիւթ են դարձել և մարդկային հասարակութիւնը, հասարակական երեւոյթները, ուստի և այն բազմաթիւ խնդիրների վրայ, որոնք ծագել են զանազան դարերում, անցեալ դարի վերջերից յաւելացած է և մի շարք ուրիշ խնդիրների, այսպէս կոչուած սօցիալական և անտեսական խնդիրները:

Ժամանակակից մարդկային հասարակութեան ազատամտական շարժումը, նորա մէջ ծագած, բայց ըստ մեծի մասին դեռ լուծման կարօտ սօցիալական և անտեսական խնդիրները, ժժ. դարի յատկանիշ բնաւորութիւնն են կազմում: Ինչպէս առաջ, հին սլաւոնական կեանքում կրօնական հայեցուածքները ամբողջապէս կլանում էին ընկերական կեանքի բոլոր միւս կող-

մերը, նոյնպէս և այժմ ընկերաբանական և տնտեսական խնդիրները իրենց մէջ ամփոփում են մարդկային և հասարակական զարգացման համարեա բոլոր կողմերը: Ինչպէս միջին դարերում Արևմուտքի քաղաքակրթական ազգերի մտաւոր և հասարակական գործունէութեան գլխաւոր լծակը կրօնական ձգտումներ էին և համոզումները, որոնք թէև նորագոյն կրթութեան հիմն դրին, բայց արիւնահեղ պատերազմների, քաղաքական դժբաղդումների պատճառ դարձան, նոյնպէս և անցեալ դարի երկրորդ կիսից սկսած նոյն նշանակութիւնը սկսած են ստանալ և նոյն դերը սկսած են խաղալ ընկերաբանական ձգտումները և համոզումները: Այդ ձգտումները և համոզումները, իբրև մի աւերիչ ոյժ, հեղեղի նման սկսեցին գուրս թափուել Ֆրանսիական լեղափոխութեան ժամանակ և այժմ ևս, նոյն ընդհանուր, եթէ ոչ նոյնաչափ արագավէժ հոսանքով, շարունակում են հոսել: Ինչպէս կրօնական համոզմունքները պատճառում էին աններողամտութիւն, արիւնհեղութիւն, երկպառակութիւն, նոյնպէս և սօցիալական ձգտումները և խնդիրները, իբրև նոր գաղափարներ, որոնք հակառակ են ժողովրդի ներկայ տնտեսական դրութեան և հասարակա-

կան կազմակերպութեան, մինչ այժմ ծառայած են և պիտի ծառայեն իբրև աղբիւր միջազգային թշնամութեան, արիւնհեղութեան, իբրև աղբիւր քաղաքական ֆանատիկոսութեան, աններողամտութեան: Ինչ է այն ահագին կազ և կռիւր, որ Անգլիայում աշխատաւոր դասը ունի գործարանատէրերի հետ, թէ՛ն է այն ատելութեան պատճառը, որ ստսրին գէմօկրատիկական դասը տածում է դէպի վերին — արիստոկրատիկական դասը: Արթ ազգեցութեան տակ «հասարակական կարծիք» կոչուածը, «ժողովրդական» խօսքը հետզհետէ այնքան հսկայական նշանակութիւն է ստանում, վերջապէս որթ ազգեցութեան տակ այսօր քարոզվում է բոլոր մարդկանց հաւասարութիւն (իրաւանց հաւասարութիւն, անձնական ազատութիւն), — եթէ ոչ սօցիալական խնդիրները: Ահա ի թիւս այն մի քանի փոթորկալից և աղմկալից խնդիրների, որոնք կազմում են ժամանակակից եւրոպական հասարակութեան սօցիալական շարժման յատկանիշը, գլխաւոր տեղը վերապահուած է աշխատանքի դէպի դրամագլուխը ունեցած յարաբերութեան խնդրին, աշխատաւորների խնդրին, ազգայնութեան խնդրին և այլն:

Այդ սպառնալից, կնճռոտ և դեռ չըլու-

ծուած խնդիրները, ինչպէս ասացինք, ժամանակակից հասարակութեան ընդհանուր ընկերաբանական շարժման անմիջական ծնունդներն կազմում: Այդպէս ընդունելով, կարելի է այն ժամանակ բացատրել թէ՛ այժմ, երբ հասարակութեան զարգացումը այնքան առաջ է ընթացած, կրօնական ճգնաժամները ինչ անդ պիտի բռնեն: Մենք ասացինք, թէ հին ժամանակներում բոլոր սօցիալական խնդիրները և նոյն իսկ մարդկութեան մտաւոր շարժումը անքակելի կապերով շղթայուած էին կրօնական համոզմանց հետ, այնպէս որ նոյն իսկ քրէական և քաղաքային օրէնքները կրօնի դաւանութեան մասն էին կազմում, ինչպէս եգիպտացւոց, հնդկացւոց, պարսից մէջ: Կարող ենք ասել, որ այժմ ևս, այս սօցիալականութեան դարում, այն կապը, որ կեանքի ընկերական կողմը ունի և պիտի ունենայ կրօնականին հետ չէ լուծված և բոլորովին ևս չէ կարող լուծուել, ըստ որում այդ կապը բնական է: Սակայն ժամանակակից սօցիալական շարժումը այն խորին տարբերութիւնը ունի միջնադարեան կրօնական շարժումից, որ առաջ կրօնական հայեցուածքները ամբողջապէս կլանում էին հասարակական կեանքի զարգացման բոլոր միւս կողմերը, իսկ այժմ

այդ գարգացման զանազան կողմերը որոշուած են, ջոկուած, ուրոյն ուրոյն բաժանուած, և ի հարկէ այդ կողմերի մէջ կրօնական կողմն ևս իր արժանավայել տեղն ունի, ինչպէս ունի քաղաքականը, մտաւորը, անտեսականը:

Սօցիալական խնդիրները լուծելու համար ժամանակակից հասարակութիւնը երկու ճանապարհ է ընտրել—պրակտիկայի, կեանքի ճանապարհը և գիտութեան, տէօրիայի ճանապարհը: Այդ խնդիրներից ոմանք հետզհետէ լուծուելու և իրականանալու վրայ են թէ այն և թէ այս ճանապարհով, իսկ գոցա մէջ մինը, որ սաստիկ կերպով հետաքրքրոււմ է ժամանակակից հասարակութիւնը և իշխում է մտքերի վրայ—այն է «ազգայնութեան» խնդիրը, որի գարգացման վերջին դիպուածները (բօլզարական, սերբական ազգերի անկախութիւնը) մի հսկայական գարկ տուին, պէտք է այս հեղինակութեան նիւթը լինի, նախ ընդհանրապէս մշակուելով և ապա մասնաւորացնուելով իբրև հաշիական ազգայնութեան խնդիր:

ԱԶԳԱՅՆՈՒԹԵԱՆ ԳԱՂԱՓԱՐԸ ԵՒ ՊՐԻՆՑԻՊՆԵՐԸ:

Ազգայնութեան պրինցիպը ժ/թ. դարի ամենաթանկագին գիւտերից և սեփականութիւններից մինն է: Այն մի դար չէ ընծայած այդ պրինցիպին մի այնպիսի զարկ, մի այնպիսի ելեքտրական ցնցում, ինչպէս ներկայ դարը: Պէտք է ասել որ նոյն իսկ «ազգայնութիւն» բառը նոր հնարած բառ է այս դարում և այդ բառը նախնիներին ամենեւին յայտնի չէր, ինչպէս «ազգութիւն» բառը Հայերի մէջ միայն նոր ժամանակներում սովորական բառ է դարձել*): Մեզանից առաջ այդ խօսքի տեղ երկու տէրմին էին գործածում «ազգ» և «տէրութիւն», և այդ գաղափարները իրարից տարբեր մտքով էին հասկացվում:

Ազգը տէրութիւնից մի տարբեր, որոշ մարմին էր կազմում, իսկ տէրութեան հետ ունեցած կապը միայն նրանով էր յայտնւում, որ նա կառավարում էր նորան: Մեր դարը, հնարելով «ազգայնութեան» գաղափարը, կա-

*) Որքան յայտնի է մեզ «ազգութիւն» բառը Տաճկաստանի մէջ առաջին անգամ իւր բոլոր նշանակութեամբ սկսած է քարոզել Խրիմեան Հայրիկ:

մեցած է այդ բառով 'ի մի ձուլել ազգ և տէրութիւն զաղափարները: Այժմ «Ազգ» ասելով հասկացվում է մի այնպիսի մարմին, որ հիմնուած է լեզուի և շահս-մէ Բն-Նե-ան Ֆէրայ: Այս տեսակէտից նայելով ամեն ժողովուրդ կամ ազգ չէ կարող ազգայնութիւն կազմել և դորա համար հարկաւոր են մի քանի կարևոր պայմաններ, առանց որոց իւրաքանչիւր ազգ կամ ժողովուրդ իրաւունք չունի աշխարհիս երեսին գոյութիւն ունենալու իբրև «ազգայնութիւն», այսինքն իբրև առանձին քաղաքակրթական մարմին բոլոր միւս քաղաքակրթական մարմինների հետ միասին, եթէ ո՛չ նա պէտք է ծառայէ իբրև էանօզրաֆիական նիւթ, իբրև ցեղ, որը, շուտ կամ ուշ, պէտք է ձուլուի և զանգուի ազգայնական մարմինների հետ:

ԱՐԴ. ՈՐՈՆՔ ԵՆ ԱՅԴ ՊԱՅՄԱՆՆԵՐԸ

Այս շտապողական հարցին պատասխանելից առաջ, կը ցանկայինք ցոյց տալ թէ ազգայնութեան պրինցիպը և զաղափարը երևակայութեան կամ գիտնական իդէալի ծնունդ չէ, թէև այդ զաղափարի ծնունդը միայն թթ. դարին

ենք պարտաւոր: թէ ազգայնութեան դադար
փարը մինչև անգամ դործնականապէս իրակա-
նացած և կեանքից սրբազործուած է, դորան
ապացոյց՝ այն, որ ոչ մի դար դեռ չէ տեսած
ազգայնութեան ազատութեան այնքան յաջող
փորձեր, ինչ պէս մեր դարը: Յունաստան,
Բէլգիա, Իտալիա, Սէրբիա, Կարատաղ, Րու-
մինիա, Բօլղարիա, և ուր որիտէ գուցէ շուտով
թուրքաց — շալաստան — ահա փառաւոր ապա-
ցոյցներ թէ մինչ որ աստիճան ազգայնութեան
գաղափարը ներկայ գարի համար միս և արիւն
է դարձած:

Սակայն չը նուշելով այդ համատարած դա-
դարի ըմբռնման, կան և բազմաթիւ օրի-
նակներ, որտեղ տեսնում ենք, որ նա բոլոր-
ովին չէ հասկացուած կամ ծուռ կերպով է
մեկնաբանուած: Ինչպէս ամեն մարդկային
իդէա, նմանապէս և ազգայնութեան իդէան
շատ ծուռ մեկնութիւնների տեղիք է տուած,
որով պատճառ է եղած որ շատերը նրա հետ
միացրած են շահագիտական նպատակներ և
նեղասրտութիւն: Այդ ինքն ըստ ինքնան
սուրբ և մեհ գաղափարը, պատճառ է եղած
շատերին ցոյց տալ մի այնպիսի կոյր Ֆանա-
տիկոսութիւն, աններդամութիւն, որի նմա-
նը գուցէ միջնադարեան կրօնական գաղափար-

ներքև և չեն ընծայած: Եւ ճշմարիտ մենք
 շատ հակառակ թիւններ ենք տեսնուած: Այն գեր-
 մանացիք, Ալլէքմանի այն հայրենասէր օրդիքը,
 որոնք ոգևորուած՝ ազգայնութեան գաղափար-
 ով, ձգտում էին համայն Գերմանիայի միու-
 թեան, որոնք երազում էին տեսնել իրենց
 Հայրենիքը՝ ի մի հոգի և ի մի մարմին, մի
 ձգտմամբ և մի ուղղութեամբ այդ «ազգայ-
 նութիւն» գաղափարը քարոզողները չամաչե-
 ցին նորա սրբինցիայներին հակառակ գործել.
 նոքա ամեն տեսակ անտրամաբանական ջանքեր
 արին խլել էլզաս, Լօթարինգիան և կողոպ-
 տել թշուառ Գանիան. այն ազատասէր հուն-
 դարացիք, որոնք իրենց ազգայնութեան պաշտ-
 պանութեան և անկախութեան համար հիա-
 նալի քաջութիւններ էին գործում և արիւն
 էին թափում, սակայն այդ ազնիւ գործը նսե-
 մացրին, երբ վայրենի կատաղութեամբ ճնշում
 էին Սլավերին «*od majoram gloriam*» — ի
 փառս և ի պարծանս — հունգարական մե-
 ծութեան: Մի խօսքով, ՓԹ. զարու ազա-
 տամիտ փիլիսոփայութիւնը քարոզելով ազ-
 գայնութեան գաղափարը և բացատրելով նո-
 բա սրբինցիայները ընդհանրացրած է նորան,
 ուստի և ամեն ազգ որ նկատած է իւր մէջ
 այն պայմանները, որոնցով կարող է իրա-

գործել իւր վերաբերմամբ այդ գաղափարը, սկսել է գոռալ, գոչել և ձգտել դէպի նորան, սակայն այդ ազգերից շատերը այնքան ինքնասէր և նեղսասիրտ են հանդիսացած, որ ազգայնութեան գաղափարի վարդապետութիւնը միայն իրենց համար են ստեղծեալ համարում, մտածել անգամ չեն կամենում, թէ քանի որ ուղիղ են ազգայնութեան պրինցիպները, ուրեմն իւր դիմացի ազգն ևս իրաւունք ունի օգուտ քաղելու նրանցից: Այն որ իւր վերաբերութեամբ շատ հասկանալի և կարելի է նկատում, ուրիշի վերաբերութեամբ անկարելի է քարոզում: Այդ է պատճառ, որ մի ազգ, որ վառուած է հայրենասիրութեան կրակով, ուրիշի վերաբերմամբ բռնակալ է հանդիսանում, և հայրենասէրը անարդարասէր է դառնում: Քանի որ յոյները հեծում էին թուրքաց լծի տակ, նոքա ժԹ. դարի քարոզած վարդապետութեանը վերայ յենլով՝ աղաղակում էին, յանդիմանում էին, նախատում էին ամբողջ Եւրոպան, թէ ինչո՞ւ իրենց ազատելու հակում չունէ, ըստ որում իրենք ունենալով ազգայնութեան պրինցիպի իրագործման կարևոր պայմանները, ամենայն իրաւունք ունենն պահանջելու այդ օգնութիւնը, բայց երբ Եւրոպան ազատեց նրանց, այդ մարդիկ,

որոնք զայրանում էին Եւրոպայի անիրաւութեան դէմ, չը կարողացան հանդուրժել, երբ բօլգարները և սերբերը միեւնոյն գաղափարով համակուած՝ տենչում էին իրենց ազգային անկախ եկեղեցին ունենալ, նոքա ուրախութեամբ պիտի տեսնէին ամբողջ բօլգարական ազգի ջնջումը, և դեռ այսօր ևս վրդովում են, երբ ուրիշ ազգեր, օրինակ Հայեր ձգտում են դէպի այն ցանկալի նպատակը, առ որն իրենք 20-ական թուականներին էին ձգտում և բարկանում են, երբ Հայերը փափագում են բարձրացնել այն ազազակը, ինչ որ իրենք էին բարձրացնում Եւրոպայի դէմ:

Ազգայնութեան գաղափարի վարդապետութիւնը զանազան Փազիսներ, շրջաններ է ունեցել, իւրաքանչիւր շրջան իւր ցանկացածի համեմատ գոյն և ձև է տուել ազգայնութեան և ժողովրդականութեան գաղափարին, համարեա ամենքը իբրև հիմն ընդունել են լեզուն, բայց այդ պայմանի հետ կցել են և մի ուրիշ տարր: Ոմանք ազգայնութեան գաղափարը յօգել և կցել են կրօնի հետ, այլք— կառավարչական ձևի հետ, մի մասն ևս, ազգայնութեան գաղափարը հերքելով, նորա փոխարէն ցոյց են տուել մի անտարբեր սէր դէպի մարդկութիւնը և քարոզել են կօսմօսյօլի-

տիկական վարդապետութիւնը: Սակայն մամանակակից գիտութիւնը որոշ կերպով բացատրել է ազգայնութեան դադափարը, (տե՛ս լաւաճարան) և ցոյց է տուել այն պայմանները, որոնց միջոցով ազգայնութեան դադափարը գործնականապէս կարող է իրագործուիլ, և արդէն, ինչպէս տեսանք, շատ տեղեր ևս իրագործուել է:

Այժմ գանք բացատրելու թէ որո՞նք են այդ էական պայմանները, այսինքն վերլուծենք ազգայնութեան դադափարը իւր բազկացուցիչ տարերքին:

Առաջին պայմանը, տարրը, առանց որոյ անկարելի է որ և իցէ ազգայնութիւն, այդ հող է: Առանց որոշ երկրի, հողի անկարելի է ոչ թէ միայն անկախութիւն, այլ և մի հասարակ ինքնավարութիւն: Բնական և սոցիալական գիտութիւնները այնքան զարգացել են և նոցա մէջ եղած կապը այնքան որոշուել է, որ այժմ անհերքելի փաստ է զարձակ թէ մարդկային այս կամ այն հասարակութիւնը, այս կամ այն տէրութիւնը, իրական գործարանաւորութիւններ են, որոնք ապրում են միւսնոյն կեանքով, որով ապրում են բնութեան մնացեալ գործարանաւորութիւնները: Ուրեմն ազգայնութիւնը, որ նոյնպէս

մի մարդկային հասարակութիւն է, ոչ այլ
ինչ է, եթէ ոչ մի իրական զործարանաւորու-
թիւն և սրովհետեւ իւրաքանչիւր զործարա-
նաւորութիւն միայն մի լայտնի, որոշ հողի
վերայ ծնվում, բուսնում, աճում, սնանում,
մեծանում և մեռնում է, ուստի և ազգայ-
նութիւնը նայնպէս որոշ հողի վերայ կարող
է ծնուել, աճել, զարգանալ: Աւրեմն հողը,
հայրենիքը, ազգայնութեան ամենաէական պայ-
մաններէց մինն է: Եթէ սրելիցէ մի Հայրե-
նասէր ջանք է անում ազգային անկախու-
թիւն ձեռք բերել, նա այդ անում է միայն
իւր հայրենակիցների համար, որոնք մի որոշ
տեղ համախմբուած են:

Մաձձինի և Գարիբալդի ցանկանում էին
ազգայնութեան միութիւն միայն այն խաւա-
ցիների համար, որոնք Ալպից մինչև Գալաբրի
տարածութեան վերայ էին բնակուած: —

Հայերը ցանկանում են ինքնավարութիւն
միայն այն Հայերի համար, որոնք բնակվում
են բուն Հայաստանում: Ցանկանալ ինքնակա-
խութիւն ձեռք բերել Ռուսիոյ, Հնդկաստանի,
Պարսկաստանի, Եւրոսլայի հայերի համար,
ցնորք կը լինէր (ուրիշ բան է տեղական ինք-
նավարութիւնը): Գերմանացիների հողը չէ
այն իրենց միլիոնաւոր հայրենակիցները, որոնք

Միացեալ Նահանգներու մն են ապրում: Առանց
Հողի անկարելի է հայրենասիրութիւն, գորա
ասպացոյցը պատմութիւնը և նոյն իսկ այդ
զգացումը: Հրէաների հայրենասիրութիւնը
անկարելի է, քանի որ մի կտոր հող չունեն:
Ով որ մտածում է քաղաքական անկախու-
թեան վերայ, նա պէտք է գորան հարկաւոր
րէալական հիմունքը ունենայ—հող ունենայ:

Լ Ե Ձ Ո Ի

Հողից լետ ազգայնութեան գաղափարի ա-
մենակարևոր տարրը, էական պայմաններից
մինը—**լեղն** է: Ընդհանուր լեզու, ընդհանուր
գրականութիւն, ուրեմն և ընդհանուր կուլ-
տուրա—մի այսպիսի գեղեցիկ հողի վերայ
խիստ հաստատուն բան կարելի է շինել, շա-
տերին կարելի է գրաւել: Ահա այդ հողի ինչ-
պէս և որոշ տէրրիտօրիայի վերայ կարելի
եղաւ Գերմանական միութիւնը: Այդ հողին
վերայ մեծն 'Գանտէ'—իտալական հայրենա-
սիրութեան միացուցիչ սկզբունքի տեղ էր
ծառայում, այդ հողի վերայ սկսեց սլավօնա-
կան վերածնելութիւնը, ինչպէս և բօլգարա-
կան, երբ սկսեցին զանազան սլավօնական բար-
բառներ մշակել և միացնել: Այդ հողին վերայ

պիտի սկսուի, ինչպէս շուտով կը տեսնենք, և Հայկական վերածնելութիւնը և եթէ հայկական հայրենասիրութիւնը ունի բոլոր հայերին ընդհանուր լեզու—նա, անկասկած, իրաւունք ունի գոյութիւն ունենալու, չը նայելով որ շատերը մերժում են և անկարելի են համարում այդ զգացումը հայերի համար: Հրէաները չունեն իրենց ընդհանուր լեզու. Փրանսիայիները — Փրանսերէն են խօսում, Գերմանիայիները — գերմաներէն, Անգղիայիները — անգղիերէն, և այլն և այլն. ահա ի՞նչի համար եւրոպան ծաղրելի է համարում նրանց հայրենասիրութիւնը: Ընդհանուր լեզու ասելով պէտք չէ սակայն հասկանալ մի այնպիսի լեզու, որ միայն առօրեայ կեանքի պիտոյքները արտայայտելու ընդունակ է և որով չէ կարելի մի վերացական միտք լայտնել: Ծշմարիտ է հրէաները ունեն մի ընդհանուր լեզու (հին եբրայականը), ինչպէս և Հայերը—(հին գրաբառ լեզուն) որով գրուած են կրօնական և պատմական գրքերը (մէր գրաբառը նոյն նշանակութիւնը չունի, ինչ որ հին եբրայականը): Բայց այդ լեզուն մեռեալ է, շատ տարիներ է պահանջում սովորելու: Ո՛չ մի տեղ մեռեալ լեզուի միջոցով ազգային միութիւն չէ եղել: Լատինսերէն լեզուն միջին դարերում

ընդհանրական լեզու էր, բայց այդ փամանակ
ամենից քիչ միութիւն կար:

Երբորդ կարեւոր տարրը, պայմանը ազգայնաւթեան գաղափարի, մի պայման, որ տեսական ապէս ոչ մի դեր չը պիտի խաղայ, բայց պատմականապէս — գործնականապէս մեծ դեր է խաղացել և պիտի խաղայ — դա կրօնքն է: Ի հարկէ, չէ կարելի անսլուծառ սրնդել, որ բոլոր ազգայնական ձգտումների մէջ կրօնը նշանաւոր դեր է խաղացել: Իտալացիք և Աւստրիացիք համակրօն էին, բայց ամեամեծ թշնամութիւն էր տիրում նորանց մէջ. այսօր ճնշուած չեխերը, սլավականները և իրէպոնները մի և նոյն կրօնքն են դաւանում ինչ որ ճնշող Հունդարացիք, բայց և շատ ազգային շարժումների մէջ հայրերի հաւատը նոյնչափ Լօզունգ է կզել որդիների համար, ինչպէս և հայրերի հոգն և լեզուն: Այսօր աշխարհիսերեսին միակ կապը, որ միացնում է հրէաներին, պահում է նրանց ազգայնութիւնը — դա կրօնքն է: Առանց Հրէական կրօնի, հրէականութիւնը անբեւեռակայելի: Կրօնը և միայն կրօնը պահել է Հրէաներին, չը նայելով

սարսափելի հալածանքներին և հազարամեայ թափառումներին: Երբ հրէան կորցնում է հաւատքը, նա այլ ևս հրէայ չէ և երկրորդ կամ երրորդ սերունդի ժամանակ հրէական ծագումի հետքն անգամ կորչում է, ՚ի հարկէ ֆիզիօլօգիական ծագումը դեռ շատ տեւում է, բայց կեանքի մէջ այն հրէան, որ իւր հայրերի հաւատը կորցրել է, շրջապատող տարրի հետ ձուլվում, խառնվում, անհետանում է: Հեղինակութեանս ընթացքում կը բացատրուի նոյնպէս, թէ արդեօք հայ պատմական կեանքի մէջ ևս կրօնը համազօր նշանակութիւն է ունեցել, և եթէ ունեցել է, այժմ ևս ունի և ապագայում ևս պէտք է ունենայ:

Ուրեմն հասկանալի է, թէ այսօր միակ հողը որի վերայ կարող է ծնել հրէական հայրենասիրութիւնը, դա կրօնքն է: Եթէ այդպէս է, ապա ուրեմն բացատրելի է թէ ինչո՞ւ հրէայ հայրենասէրները, շատ անգամ կրթուած և լուսաւորուած մարդիկ՝ խիստ հետևող են տալմուդականութեան: Դա հասկանալի է, դա ունի իւր *raison d'être*: Այդպիսիների կարծիքով ճշմարիտ ազգասէրը նա է, ով որ լաւ Հրէայ է, այսինքն մովսիսականութեան հարազատ զաւակ է, եթէ ոչ նորա ազգասիրութիւնը հիմն չունենալով, դատարկ ձայն է,

որի տակ ոչ մի բովանդակութիւն չը կայ:

Մենք յառաջ բերենք գիտութեան վերջին խօսքը ազգայնութեան գաղափարի իրագործման մասին: Գալով այն հանգամանքին, թէ ի՞նչ է ժամանակակից գիտութեան խօսքը այն վարդապետութեան մասին, որ ազգայնութեան գաղափարը հերքելով նորա տեղ անխրտիր սէր է քարոզում գէպի համայն մարդկութիւնը, մենք կամենում ենք այդ մասին մի երկու խօսք ասել, և այդ այն պատճառով, որ առաջին՝ այդ խնդրին այլ ևս չը պիտի վերադառնանք, և երկրորդ՝ ինչպէս փորձով տեսած ենք և գիտենք, մեր ուսանող երիտասարդութեան մի մասը այդ գաղափարի տակ քօղարկուած, նորանով համակուած, հեռացնում է իրանից ազգային՝ որ և իցէ գործունէութիւն: —

Այդ վարդապետութիւնը, ինչպէս չիշեցինք, կոչվում է կօսմօպօլիտիզմ: Սակայն ժամանակակից գիտութեան աչքին՝ կօսմօպօլիտիկական իդէան ծիծաղելի է համարվում և այն նշանակութիւնը ունի, ինչ որ Գերմանացիք ասում են ein übe rmondener standpunkt, այսինքն, մի բան, որ յանձնուած է արխիվին: Այժմ շատ ապացոյցներ կան համոզվելու վերջապէս, որ համաշխարհային քաղաքացիները (կօսմօպօ-

լիտները) իրօք ոչ ոքի չեն սիրում և ոչ ոքից չեն սիրուած: Մեր ժամանակում ամեն մարդ պէտք է մի որոշ հողի վերայ կանգնի, մի կողմի յարի, մի բանի կպնի և նորա ուրախութիւններին ու ցաւերին մասնակցի:

Մենք ասացինք, որ մեր դարը ազգայնական ձգտումների դար է: Այդ ձգտումները ամենահզօր կերպով յայտնուեցին մանաւանդ վերջին ժամանակներս: Հանդէս դուրս եկին բազմաթիւ ազգեր իրենց ազգայնութեան խնդիրներով և կարծեցին, որ այդ խնդիրները պէտք է լուծուի ստանան: Մի քանիսները ստացան այդ ցանկալի լուծումը, սակայն այն ստուգութիւնը, որով ազգայնութեան գաղափարը կեանքի մէջ մուտ գործելով, իրականանում էր, մի հզօր զարկ, մի ուժգին հարուած տուաւ այդ գաղափարի ծագման և այն ազգերի մէջ, ուր նա թմրած, համարեա անճանօթ՝ դեռ յայտնուել չէր համարձակվում: Եւ ճշմարիտ, վերջին պատերազմը, Սլավոնական ազգերի ազատութիւնը, ահա այն պայմանները, որոնք արագացրին այն խնդրի ծնունդը, որ վաղ ուշ, պատմական օրէնքների հիման համեմատ, պէտք է ծագէր: Եւ ահա ծագեց հայկական անունով խնդիր, հնչեց հայկական «ազգայնութիւն» բառը: Սակայն

այդ խնդիրը միւսների նման լուծում չը ստացաւ և դեռ յայտնի չէ, թէ ե՞րբ և կամ ի՞նչ տեսակ կը ստանայ, դա շատ բնական է, ըստ որում ո՞ր և իցէ մի սօցիալական խնդիր, մինչև յայտնի ֆազիսներ չը կրէ, յայտնի շրջաններից անցնելով չը հասունանայ, չէ կարող լուծուել, իրագործուել: Այժմ կարող ենք ասել Հայկական խնդիրը իւր հասունութեան շրջանի մէջ է մտել, սւստի և մօտացել իւր իրագործման կէտին, թէև այդ հասունութիւնը ձեռք է բերուած ամենաթանգ գնով, Հայ արիւնի, սպանման, կոտորածի գնով: Արդ այսպիսի մի ճգնալից և տագնապալից ժամանակում, երբ պէտք է մեր ազգային արժանաւորութիւնը հասկանալ և նորան բարձր պահել, արգեօք ամենքը համոզուած են և հաւատում են, թէ Հայ ազգը կարող է ազգայնութիւն կազմել, այսինքն ինքնուրոյն քաղաքական մարմին և այդ մարմինը՝ որպէս զի առողջ լինի, անպատճառ հարկաւոր է, որ նորա բոլոր մասնիկները — Ե. Կ. Բ. Գ. հայերը — ի մի համախմբուին, թէ դեռ կասկածանքի հոգին տիրում է և ճշմարիտ է արգեօք հային պէտք է անպատճառ լուսաւորչական եկեղեցւոյ անգամ լինել:

Արդէն լաւաջաբանի և ներածութեանս բո-

վանդակուլութիւնից բացորոշ է, թէ ի՞նչ է այս
հեղինակութեան նպատակը: Նորա նպատակն
է որոշ կերպիւ և գիտնական փաստերի հիման
վերայ վճռել մի հարց, որ մեզ հայերիս հա-
մար կենաց և մահու խնդիր է. այն է «իրա-
ւունք ունի Հայ ազգը պատմական և գիտ-
նական տեսակէտից նայելով՝ գոյութիւն ունե-
նալ աշխարհիս երեսին, իբրև մի ինքնուրոյն,
անկախ ազգայնութիւն, ապրել իբրև մի առան-
ձին քաղաքական մարմին, որը, իբրև մի ա-
ռողջ, թարմ գործարանաւորութիւն, ազատ և
առողջ ապրելու համար ունենար հարկաւոր
գործարանները, գործարաններ, որոնք իւրա-
քանչիւրի առողջ մարմնի անհրաժեշտ մա-
սունք են կազմում: Ի հակիրճ բան, հայ ազգը
պարունակում է իւր մէջ այն բոլոր բէալական
պայմանները, առանց որոց աներևակայելի է
ազգայնութեան գոյութիւնը:

Թէ որքան ժամանակակից է մի այսպիսի
հեղինակութեան երևալը, երբ Հայկական խնդի-
րը տէօրետիկական շրջանից անցնելով արդէն
պրակտիկական հողի վերայ է դրուած, գորան
մի ուրիշ ասպացոյցն ևս, բացի հանգամանքից
այն է, որ ներկայումս մեր լրագրութեան մէջ
տաք վիճարանութեան նիւթ է դարձել մի
ըստ երևոյթին աւելորդ, բայց ըստ ներքին

էութեան խիստ կարևոր խնդիր, «կրօնի դէ-
պի ազգայնութիւնը ունեցած յարաբերութեան
խնդիրը» մասնաւորապէս հայերի համար և
յառաջ են եկել երկու տրամագծօրէն հայե-
ցուածքի տէր կուսակցութիւններ, մին՝ կրօնը
ընդունելով հայ ազգի վերաբերմամբ իբրև ազ-
գայնութեան համարեա թէ միակ հիմն, միւսը՝
կրօնը ազգութիւնից տարբեր իմն լինելը, ու-
րեմն և նորա համար ոչ էական պայման կադ-
մելը ապացուցանել ճգնելով: Ուստի մասամբ
առաջ յառաջարանի մէջ ապացուցանելով,
մասամբ յետոյ, թէ երկու կուսակցութիւնք
ևս սխալվում են և խնդիրը իւր բնական կեր-
պարանքից շեղել, հանել են, ընդունելով կրօ-
նը—ազգային անկախ եկեղեցւոյ իմաստով—
իբրև ազգայնութեան հիմն հանդերձ, ցոյց
տալ այն դերը, որ այսուհետև նա պիտի խա-
ղայ Հայ ազգի պատմական կեանքի մէջ—նա՛
կը լինի աշխատութեանս մի ուրիշ նպատակը:

